



Broj: 06-16-5-61-9/16
Datum: 15.02.2016. godine

Na osnovu člana 61. Zakona o upravi („Službeni glasnik Bosne i Hercegovine“, br. 32/02 i 102/09), člana 51. Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 59/07 i 59/09), člana 70. Zakona o javnim nabavkama („Službeni glasnik Bosne i Hercegovine“, broj 39/14), direktor Agencije za razvoj visokog obrazovanja i osiguranje kvaliteta, *donosi*

ODLUKU
o izboru najpovoljnijeg ponuđača i dodjeli ugovora u postupku javne nabavke usluga
hotelskog smještaja u Sarajevu za potrebe Agencije za razvoj visokog obrazovanja i
osiguranje kvaliteta

I

U postupku javne nabavke usluga hotelskog smještaja u Sarajevu za potrebe Agencije za razvoj visokog obrazovanja i osiguranje kvaliteta, putem pisanog poziva za dostavljanje ponuda, koji je objavljen na internet stranici Agencije, www.hea.gov.ba, kao najpovoljnija ponuda bira se ponuda ponuđača „Mrkulić Company“ d.o.o. Sarajevo PJ „Hotel Hollywood“, ul. Dr Mustafe Pintola 23, 71 000 Sarajevo, sa ukupnom cijenom ponude u iznosu od 1.666,67 KM bez PDV-a sa uračunatim popustom, odnosno 2.040,00 KM sa PDV-om i dodatnim naknadama (boravišna taksa, osiguranje i prijava), i navedenom ponuđaču dodjeljuje se ugovor.

II

Po okončanju roka za žalbu ugovorni organ će sa izabranim ponuđačem zaključiti ugovor na period od godinu dana od dana zaključivanja, kojim će se regulisati međusobna prava i obaveze vezano za predmetnu javnu nabavku shodno uslovima ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

III

Ova odluka će se dostaviti svim ponuđačima u predmetnom postupku javne nabavke uz obavještenje o rezultatima postupka.

IV

Ova odluka stupa na snagu danom donošenja i objaviće se na internet stranici Agencije, www.hea.gov.ba, danom upućivanja ponuđačima.

15.02.2016.

O b r a z l o ž e n j e

Nakon provedenog postupka javne nabavke hotelskog smještaja u Sarajevu za potrebe Agencije za razvoj visokog obrazovanja i osiguranje kvaliteta, pokrenutog Odlukom v.d. direktora, broj: 06-16-5-61-2/16 od 27.01.2016. godine, a putem pisanog Poziva, broj: 06-16-5-61-4/16 od 28.01.2016. godine, utvrđenog Odlukom v.d. direktora, 06-16-5-61-3/16 od 27.01.2016. godine, i objavljenog na internet stranici Agencije, www.hea.gov.ba, Komisija imenovana Rješenjem direktora, broj: 06-16-5-61-6/16 od 08.02.2016. godine, je izvršila pregled blagovremeno prispjelih ponuda, te konstatovala da su u predmetnom postupku zaprimljene dvije ponude, na način propisan tačkom 7. Pisanog poziva, te u skladu sa kriterijumom *najniže cijene*, utvrđenim tačkom 4. Pisanog poziva, sačinila rang listu prihvatljivih ponuda koja čini sastavni dio Zapisnika o pregledu i ocjeni ponuda, broj: 06-16-5-61-8/16 od 09.02.2016. godine, shodno kojoj je: prvoplasirana i najpovoljnija prihvatljiva ponuda za javnu nabavku usluga hotelskog smještaja u Sarajevu, ponuda ponuđača „Mrkulić Company” d.o.o. Sarajevo PJ „Hotel Hollywood“, ul. Dr Mustafe Pintola 23, Sarajevo, sa ukupnom cijenom ponude u iznosu od 1.666,67 KM bez PDV-a sa uračunatim popustom, odnosno 2.040,00 KM sa PDV-om i dodatnim naknadama (boravišna taksa, osiguranje i prijava).

Članom 70. stav (6) Zakona o javnim nabavkama BiH propisano je da ugovorni organ predmetnu odluku objavljuje na svojoj internet stranici istovremeno sa njenim upućivanjem ponuđačima koji su učestvovali u postupku javne nabavke. Dalje, članom 71. Zakona o javnim nabavkama BiH, utvrđena je obaveza ugovornog organa da predmetnu odluku dostavi svim ponuđačima koji su učestvovali u postupku javne nabavke uz obavještenje o rezultatima postupka.

Imajući u vidu naprijed navedeno, Komisija je dala preporuku direktoru Agencije da se predmetni ugovor dodijeli navedenom ponuđaču.

Cijeneći navedeno, odlučeno je kao u dispozitivu ove Odluke.

Pouka o pravnom lijeku: Protiv ove odluke dozvoljena je žalba u pisanoj formi na način i u roku propisanim članom 99. i 101. Zakona o javnim nabavkama Bosne i Hercegovine, u dovoljnom broju primjeraka, a koji ne može biti manji od tri. Žalba se izjavljuje ugovornom organu – Agencija za razvoj visokog obrazovanja i osiguranje kvaliteta, Ulica akademika Jovana Surutke 13, Banja Luka.

Shodno članu 108. Zakona o javnim nabavkama BiH žalilac je obavezan platiti naknadu za pokretanje žalbenog postupka. Uplata naknade se vrši u skladu sa Instrukcijom o načinu uplate, kontrole i povrata naknada propisanih članom 108. Zakona o javnim nabavkama („Službeni glasnik BiH”, broj 86/14).

Dostaviti:

1. Ponuđačima u postupku

2. a/a

